

## ANEKS VI

### POSLOVNO NASTANJIVANJE: FINANSIJSKE USLUGE (iz Glave V, Poglavlje II)

#### FINANSIJSKE USLUGE: DEFINICIJE

Finansijska usluga je svaka usluga finansijske prirode koju pruža davalac finansijskih usluga jedne od strana.

Finansijske usluge obuhvataju sljedeće djelatnosti:

- A. Sve usluge osiguranja i usluge vezane za osiguranje:
1. direktno osiguranje (uključujući suosiguranje):
    - (i) životno;
    - (ii) neživotno;
  2. reosiguranje i retrocesija;
  3. posredovanje u osiguranju, kao što su brokери i agencije;
  4. pomoćne usluge osiguranja, poput usluga savjetovanja, aktuarstva, procjene rizika i usluga namirenja odštetnih zahtjeva (likvidacije šteta);
- B. Bankarske i ostale finansijske usluge (isključujući osiguranje):
1. primanje depozita i drugih otplativih sredstava od građanstva;
  2. davanje zajmova svih vrsta, uključujući, *inter alia*, potrošačke kredite, hipotekarne kredite, faktoring (prodaja prava potraživanja) i finansiranje komercijalnog poslovanja;
  3. finansijski lizing;
  4. sve usluge plaćanja i prijenosa novca, uključujući kreditne, platne i debitne kartice, putne čekove i bankovne mjenice;
  5. garancije i obaveze;
  6. trgovanje za svoj vlastiti ili za račun klijenata, bilo na burzi, ili na direktnom tržištu ili na neki drugi način, sljedećim:
    - (a) instrumentima tržišta novca (čekovima, mjenicama, potvrđama o depozitu, itd.),
    - (b) devizama,
    - (c) derivativnim proizvodima koji uključuju ali se ne ograničavaju na terminske ugovore (fjučerse) i opcije,
    - (d) instrumentima deviznog kursa i kamatnih stopa, uključujući proizvode kao što su swapovi (zamjene), sporazumi o terminskom kursu, itd.
    - (e) prenosivim vrednosnim papirima,

- (f) ostalim prenosivim instrumentima i finansijskim sredstvima, uključujući zlatne poluge;
- 7. učešće u emisiji svih vrsta vrijednosnih papira, uključujući garantiranje otkupa i plasman kao agent (bilo javne ili privatne emisije) i pružanje usluga vezanih s takvim emisijama;
- 8. novčano posredovanje;
- 9. upravljanje aktivom, poput upravljanja gotovinom ili portfeljom, upravljanje svim oblicima zajedničkog ulaganja, upravljanje penzionim fondovima, usluge starateljstva, usluge deponiranja i čuvanja;
- 10. usluge poravnanja i kliringa za finansijsku aktivu, uključujući vrijednosne papire, derivatne proizvode, te druge prenosive instrumente;
- 11. pružanje i prijenos finansijskih informacija, te obrada finansijskih podataka i odgovarajućih softvera od davalaca drugih finansijskih usluga.
- 12. savjetodavne, posredničke i druge pomoćne finansijske usluge za sve djelatnosti navedene u tačkama od 1. do 11., uključujući kreditne preporuke i analizu, istraživanje i savjetovanje u oblasti ulaganja i portfelja, savjetovanje u pogledu kupovine i restrukturiranja i strategije preduzeća.

Sljedeće djelatnosti isključene su iz definicije finansijskih usluga:

- (a) djelatnosti koje obavljaju centralne banke ili bilo koje druge javne institucije u provođenju monetarne politike i politike deviznog kursa;
- (b) djelatnosti koje obavljaju centralne banke, vladine agencije ili tijela ili javne institucije, za račun ili uz garanciju vlade, osim kad takve djelatnosti mogu obavljati davaoci finansijskih usluga u konkurenciji s takvim javnim subjektima;
- (c) djelatnosti koje predstavljaju dio zakonskog sistema socijalne sigurnosti ili javnih penzionih programa, osim kad takve djelatnosti mogu obavljati davaoci finansijskih usluga u konkurenciji s javnim subjektima ili privatnim institucijama.